

(宋)欧阳修 著

新五代史

延边人民出版社

新五代史目录

新五代史卷一	梁本纪第一	(1)
新五代史卷二	梁本纪第二	(4)
新五代史卷三	梁本纪第三	(7)
新五代史卷四	梁本纪第四	(9)
新五代史卷五	唐本纪第五	(12)
新五代史卷六	唐本纪第六	(16)
新五代史卷七	唐本纪第七	(20)
新五代史卷八	晋本纪第八	(23)
新五代史卷九	晋本纪第九	(26)
新五代史卷十	汉本纪第十	(29)
新五代史卷十一	周本纪第十一	(32)
新五代史卷十二	周本纪第十二	(35)
新五代史卷十三	梁家人传第一	(38)
新五代史卷十四	唐太祖家人传第二	(42)
新五代史卷十五	唐明宗家人传第三	(47)
新五代史卷十六	唐废帝家人传第四	(52)
新五代史卷十七	晋家人传第五	(53)
新五代史卷十八	汉家人传第六	(58)
新五代史卷十九	周太祖家人传第七	(60)
新五代史卷二十	周世宗家人传第八	(61)
新五代史卷二十一	梁臣传第九	(62)
新五代史卷二十二	梁臣传第十	(68)
新五代史卷二十三	梁臣传第十一	(72)
新五代史卷二十四	唐臣传第十二	(75)
新五代史卷二十五	唐臣传第十三	(80)
新五代史卷二十六	唐臣传第十四	(87)
新五代史卷二十七	唐臣传第十五	(91)
新五代史卷二十八	唐臣传第十六	(95)
新五代史卷二十九	晋臣传第十七	(101)
新五代史卷三十	汉臣传第十八	(104)
新五代史卷三十一	周臣传第十九	(108)
新五代史卷三十二	死节传第二十	(111)
新五代史卷三十三	死事传第二十一	(113)
新五代史卷三十四	一行传第二十二	(117)
新五代史卷三十五	唐六臣传第二十三	(119)
新五代史卷三十六	义儿传第二十四	(122)

新五代史卷三十七	伶官传第二十五	(126)
新五代史卷三十八	宦者传第二十六	(128)
新五代史卷三十九	杂传第二十七	(131)
新五代史卷四十	杂传第二十八	(137)
新五代史卷四十一	杂传第二十九	(142)
新五代史卷四十二	杂传第三十	(144)
新五代史卷四十三	杂传第三十一	(151)
新五代史卷四十四	杂传第三十二	(155)
新五代史卷四十五	杂传第三十三	(158)
新五代史卷四十六	杂传第三十四	(163)
新五代史卷四十七	杂传第三十五	(168)
新五代史卷四十八	杂传第三十六	(175)
新五代史卷四十九	杂传第三十七	(179)
新五代史卷五十	杂传第三十八	(182)
新五代史卷五十一	杂传第三十九	(185)
新五代史卷五十二	杂传第四十	(191)
新五代史卷五十三	杂传第四十一	(196)
新五代史卷五十四	杂传第四十二	(199)
新五代史卷五十五	杂传第四十三	(204)
新五代史卷五十六	杂传第四十四	(209)
新五代史卷五十七	杂传第四十五	(213)
新五代史卷五十八	司天考第一	(218)
新五代史卷五十九	司天考第二	(232)
新五代史卷六十	职方考第三	(235)
新五代史卷六十一	吴世家第一	(239)
新五代史卷六十二	南唐世家第二	(245)
新五代史卷六十三	前蜀世家第三	(251)
新五代史卷六十四	后蜀世家第四	(256)
新五代史卷六十五	南汉世家第五	(261)
新五代史卷六十六	楚世家第六	(265)
新五代史卷六十七	吴越世家第七	(269)
新五代史卷六十八	闽世家第八	(273)
新五代史卷六十九	南平世家第九	(278)
新五代史卷七十	东汉世家第十	(280)
新五代史卷七十一	十国世家年谱第十一	(284)
新五代史卷七十二	四夷附录第一	(286)
新五代史卷七十三	四夷附录第二	(292)
新五代史卷七十四	四夷附录第三	(295)

新五代史卷三十七	伶官传第二十五	(126)
新五代史卷三十八	宦者传第二十六	(128)
新五代史卷三十九	杂传第二十七	(131)
新五代史卷四十	杂传第二十八	(137)
新五代史卷四十一	杂传第二十九	(142)
新五代史卷四十二	杂传第三十	(144)
新五代史卷四十三	杂传第三十一	(151)
新五代史卷四十四	杂传第三十二	(155)
新五代史卷四十五	杂传第三十三	(158)
新五代史卷四十六	杂传第三十四	(163)
新五代史卷四十七	杂传第三十五	(168)
新五代史卷四十八	杂传第三十六	(175)
新五代史卷四十九	杂传第三十七	(179)
新五代史卷五十	杂传第三十八	(182)
新五代史卷五十一	杂传第三十九	(185)
新五代史卷五十二	杂传第四十	(191)
新五代史卷五十三	杂传第四十一	(196)
新五代史卷五十四	杂传第四十二	(199)
新五代史卷五十五	杂传第四十三	(204)
新五代史卷五十六	杂传第四十四	(209)
新五代史卷五十七	杂传第四十五	(213)
新五代史卷五十八	司天考第一	(218)
新五代史卷五十九	司天考第二	(232)
新五代史卷六十	职方考第三	(235)
新五代史卷六十一	吴世家第一	(239)
新五代史卷六十二	南唐世家第二	(245)
新五代史卷六十三	前蜀世家第三	(251)
新五代史卷六十四	后蜀世家第四	(256)
新五代史卷六十五	南汉世家第五	(261)
新五代史卷六十六	楚世家第六	(265)
新五代史卷六十七	吴越世家第七	(269)
新五代史卷六十八	闽世家第八	(273)
新五代史卷六十九	南平世家第九	(278)
新五代史卷七十	东汉世家第十	(280)
新五代史卷七十一	十国世家年谱第十一	(284)
新五代史卷七十二	四夷附录第一	(286)
新五代史卷七十三	四夷附录第二	(292)
新五代史卷七十四	四夷附录第三	(295)

新五代史卷一

梁本纪第一

太祖神武元圣孝皇帝，姓朱氏，宋州碭山午沟里人也。其父诚，以《五经》教授乡里，生三子，曰全昱、存、温。诚卒，三子贫，不能为生，与其母佣食萧县人刘崇家。全昱无他材能，然为人颇长者。存、温勇有力，而温尤凶悍。

唐僖宗乾符四年，黄巢起曹、濮，存、温亡入贼中。巢攻岭南，存战死。巢陷京师，以温为东南面行营先锋使，攻陷同州，以为同州防御使。是时，天子在蜀，诸镇会兵讨贼。温数为河中王重荣所败，屡请益兵于巢，巢中尉孟楷押面不通。温客谢贇说温曰：“黄家起于草莽，幸唐衰乱，直投其隙而取之尔，非有功德兴王之业也，此岂足与共成事哉！今天子在蜀，诸镇之兵日集以谋兴复，是唐德未厌于人也。且将军力战于外，面庸人制之于内，此章郢所以背秦而归楚也。”温以为然，乃杀其监军严实，自归于河中，因王重荣以降。都统王铎承制拜温左金吾卫大将军、河中行营招讨副使，天子赐温名全忠。

中和三年三月，拜全忠汴州刺史、宣武军节度使。四月，诸镇兵破巢，复京师。巢走蓝田。七月丁卯，全忠归于宣武。是岁，黄巢出蓝田关，陷蔡州，节度使秦宗权叛附于巢，遂围陈州。徐州时溥为东南面行营兵马都统，会东诸镇兵以救陈，陈州刺史赵骘亦乞兵于全忠。溥虽为都统而不亲兵。四年，全忠乃自将救骘，率诸镇兵击败巢将黄郛、尚让等。骘以全忠为德，始附属焉。是时，河东李克用下兵太行，度河，出洛阳，与东兵会击巢。巢已败去，全忠及克用追败之于郾城。巢走中牟，又败之于王满。巢走封丘，又大败之。巢挺身东走，至泰山狼虎谷，为时溥追兵所杀。九月，天子以全忠为检校司徒、同中书门下平章事，封沛郡侯。光启二年三月，进爵王。义成军乱，逐其节度使安师儒，推牙将张晁为留后，师儒来奔，杀之。遣朱珍、李唐宾陷滑州，以胡真为留后。十二月，徙封吴兴郡王。

自黄巢死，秦宗权称帝，陷陕、洛、怀、孟、唐、许、汝、郑州，遣其将秦贤、卢瑋、张晁攻汴。贤军板桥，晁军北郊，瑋军万胜，环汴为三十六栅。王颙兵少，不敢出。乃遣朱珍募兵于东方，面求救于兖、郛。三年春，珍得万人、马数百匹以归。乃击贤板桥，拔其四栅。又击瑋万胜，瑋败，投水死。宗权闻瑋等败，乃自将精兵数千，栅北郊。五月，兖州朱瑾、郛州朱宣来赴援。王置晋军中，中席，王阳起如厕，以轻兵出北门袭颙，而乐声不辍。晁不意兵之至也，兖、郛之兵又从而合击，遂大败之，斩首二万余级。宗权与晁夜走，过郛，屠其城而去。宗权至蔡，复遣张晁攻汴。王闻晁复来，登封禅寺后冈，望晁兵过，遣朱珍蹇之，戒曰：“晁见吾兵，必止。望其止，当速返，毋与之斗也。”已而晁见珍在后，果止。珍即驰还。王令珍引兵蔽大林，而自率精骑出其东，伏大冢间。晁止而食，食毕，拔旗帜，驰击珍。珍兵小却，王引伏兵横出，断晁军为三面击之。晁大败，脱身走。宗权怒，斩晁。而河阳、陕、洛之兵为宗权守者，闻蔡精兵皆已歼于汴，因各溃去。故诸葛亮爽将李罕之取河阳、张全义取洛阳以来

附。十月，天子使来，赐王纪功碑。朱宣、朱瑄兵助汴，已破宗权东归，王移徽、郭，诬其诱汴亡卒以东，乃发兵攻之，取其曹州、濮州。遂遣朱珍攻郢州，大败而还。十二月，天子使来，赐王铁券及德政碑。

淮南节度使高骈死，杨行密入扬州。天子以王兼淮南节度使。王乃表行密为副使，以行军司马李璠为留后。璠之扬州，行密不纳。文德元年正月，王如淮南，至宋州而还。是时，秦宗权陷襄州，以赵德谨为节度使。德谨叛于宗权以来附。天子因以王为蔡州四面行营都统，以德谨为副。

三月庚子，僖宗崩。天雄军乱，囚其节度使乐彦贞。其子相州刺史从训攻魏，来乞兵。遣朱珍助从训攻魏。面魏军杀彦贞，从训战死，魏人立罗弘信，珍乃还。张全义取河阳，逐李罕之。罕之奔于河东。李克用遣兵围河阳，全义来求救，遣丁会、牛存节救之，击败河东兵于洹河。

五月，行营讨蔡州，围之百余日，不克。是时，时溥已为东、南面都统，又以王统行营而溥犹称都统，王乃上书，论溥讨蔡无功而不落都统，且欲激怒溥以起兵端。初，高骈死，淮南乱，楚州刺史刘瓌来奔，纳之，及王兵攻蔡不克，还，欲攻瓌，乃遣朱珍将兵数千以东，声言送瓌还楚州。溥怒论已，又闻珍以兵来，果出兵拒之。珍战于吴康，大败之，取其丰、董二县。遂攻宿州，下之。珍屯萧县，别遣庞师古攻徐州。龙纪元年正月，师古败溥于吕梁。淮西牙将申丛执秦宗权，折其足，将槛送京师；别将郭璠杀丛，篡宗权以来献。王遣行军司马李璠献俘于京师，表郭璠淮西留后。三月，天子封王为东平王。七月，朱珍杀李唐宾，王如萧县，执珍杀之，遂攻徐州。冬，大雨，水，不能军而旋。

初，秦宗权遣其弟宗衡掠地淮南。是岁，宗衡为其将孙儒所杀，儒攻杨行密于扬州。淮南大乱，行密走宣州，儒入扬州。大顺元年春，遣庞师古攻孙儒于淮南，大败而还。四月，宿州将张筠以宿州复归于时溥，王自将攻之，不克。

初，黄巢败走，李克用追之，至于冤胸，不及而旋。过汴，驻军于北郊，王邀克用置酒上源驿，夜以兵攻之。克用逾城而免，讼其事于京师，天子知曲在汴而和解之。至是，宰相张浚与汴交，王厚之以赂，浚为汴请伐河东。唐诸大臣皆以为不可兴师。浚挾汴力，请益坚。天子不得已，许之。五月，以浚为太原四面行营都统，王为东、南面招讨使。然王不亲兵，以兵二千属浚而已。浚屯于阴地。河东叛将冯霸杀潞州守将李克恭来降，遣葛从周入潞州。李克用遣康君立攻之，从周走河阳。九月，王如河阳。十月，天子以王兼宣义军节度使，遂如滑州，假道于魏，以攻河东，且责其军须，亦所以怒魏为兵端也。魏人果以谓非兵所当出，而辞以粮乏，皆不许。于是攻魏。十一月，张浚之师大败于阴地。二年正月，王及魏人战于内黄，大败之，屠没元城，罗弘信来送款。十月，克宿州。十一月，曹州将郭绍宾杀其刺史郭饶来降。十二月，丁会败朱瑄于金乡。景福元年二月，攻郢州，前军朱友裕败于斗门，王军后至，又败而还。冬，友裕取濮州，遂攻徐州。二年四月，庞师古克徐州，杀时溥。王如徐州，以师古为留后，遂攻兖、郛。

乾宁元年二月，王及朱宣战于渔山，大败之。二年八月，又败宣于梁山。十一月，又败之于巨野。兖、郛求救于河东，李克用发兵救之，假道于魏。既而魏人击之，克用怒，大举攻

魏。罗弘信来求救，遣葛从周救魏。是岁，李克用封晋王。三年五月，战于洹水，擒克用于落落，送于魏，杀之。七月，凤翔李茂贞犯京师，天子出居于华州。王请以兵赴难，天子优诏止之。又请迁都洛阳，不许。四年正月，庞师古克郾州，王如郾州，以宋友裕为留后。遂攻兖州。朱瑾奔于淮南，以葛从周为兖州留后。九月，攻淮南，庞师古出清口，葛从周出安丰，王军屯于宿州。杨行密遣朱瑾先击清口，师古败死。从周亟返兵，至于津河，瑾又败之。王恨，驰归。

光化元年三月，天子以王兼天平军节度使。四月，遣葛从周攻晋之山东，取邢、洛、磁三州。襄州匡匡凝自其父德谔时来附，匡凝又与杨行密、李克用通，而其事泄。七月，遣氏叔琮、康怀英攻匡凝，取其泌、随、邓三州。匡凝请和乃止。十二月，李罕之以潞州来降。二年，幽州刘仁恭攻魏，罗绍威来求救。王救魏，败仁恭于内黄。四月，遣氏叔琮攻晋太原，不克。七月，李克用取泽、潞。十一月，保义军乱，杀其节度使王珙，推其牙将李璠为留后，其将朱简杀璠来降。以简为保义军节度使。三年四月，遣葛从周攻刘仁恭之沧州，取其德州，及仁恭战于老鸦堤，大败之。八月，晋取洛州。王如洛州，复取之。是时，镇、定皆附于晋。遂攻镇州，破临城，王瑋来送款。进攻定州，王郜奔于晋，其将王处直以定州降。

唐宣者刘季述作乱，天子幽于东宫。天复元年正月，护驾都头孙德昭诛季述，天子复位。封王为梁王。遣张存敬攻王珂于河中，出含山，下晋、绛二州。王珂求救于晋，晋不能救，乃来降。三月，大举攻晋。氏叔琮出太行，取泽、潞。葛从周、张存敬、侯言、张归厚及镇、定之兵，皆会于太原，围之，不克，遇雨而还。五月，天子以王兼河中尹、护国军节度使。六月，晋取慈、隰。

自刘季述等已诛，宰相崔胤外与梁交，欲假梁兵尽诛宦者。而凤翔李茂贞、鄜宁王行瑜等皆遣子弟以精兵宿卫天子，宦官韩全海等亦因恃以为助。天子与胤计事，宦者属耳，颇闻之。乃选美女，内之宫中，阴令伺察其实。久之，果得胤奏谋所以诛宦者之说，全海等大惧，日夜相与涕泣，思图胤以求全。胤知谋泄，事急，即矫为制，召梁兵入诛宦者。十月，王以宣武、宣义、天平、护国兵七万，至于河中，取同州，遂攻华州，韩建出降。全海等闻梁王兵且至，即以岐、郾宿卫兵劫天子奔于凤翔。王乃上书言胤所以召之之意。天子怒，罢胤相，责授工部尚书，诏梁兵还镇。王引兵去，攻郾州，屯于三原。郾州节度使杨崇本以郾、宁、庆、衍四州降。崔胤奔于华州。二年春，王退军于河中。晋攻晋、绛。遣朱友宁击败晋军于蒲县，取汾、慈、隰，遂围太原，不克而还，汾、慈、隰复入于晋。四月，友宁引兵西，至兴平，及李茂贞战于武功，大败之。王兵犯凤翔，茂贞数出战，辄败，遂围之。十一月，郾坊李周彝以兵救凤翔，王遣孔勣袭郾州，虜周彝之族，徙于河中，周彝乃降。是时，岐兵屡败，而围久，城中食尽，自天子至后宫，皆冻饿。三年正月，茂贞杀韩全海等二十人，囊其首，示梁军，约出天子为了解。甲天子出幸梁军。遣使者驰召崔胤，胤托疾不至。王使人戏胤曰：“吾未识天子，恨其非是，子来为我辨之。”天子还至兴平，胤率百官奉迎。王自为天子执臂，且泣且行，行十余里，止之。人见者，咸以为忠。己巳，天子至自凤翔，素服哭于太庙而后入，杀宦者七百余人。二月甲戌，天子赐王“回天再造竭忠守正功臣”，以辉王祚为诸道兵马元帅，王为副元帅。王乃留子友伦为护驾指挥使，以为天子卫，引兵东归。天子饒于延喜楼，赐《杨柳枝》五

曲。

初，梁兵已西，青州王师范遣其将刘鄂袭据梁兖州。王已还梁，四月，如郛州，遣朱友宁攻青州。师范败之于石楼，友宁死。九月，杨师厚败青人于临朐，取其棣州，师范以青州降，而鄂亦降。友伦击鞠，堕马死。王怒，以为崔胤杀之，遣朱友谦杀胤于京师。其与友伦击鞠者，皆杀之。

自天子奔华州，王请迁都洛阳，虽不许，而王命河南张全义修洛阳宫以待。天祐元年正月，王如河中，遣牙将寇彦卿如京师，请迁都洛阳，并徙长安居人以东。天子行至陕州，王朝于行在，先如东都。是时，六军诸卫兵已散亡，其从以东者，小黄门十数人，打球供奉、内园小儿等二百余人。行至谷水，王教医官许昭远告其谋乱，悉杀而代之，然后以闻。由是，天子左右皆梁人矣。四月甲辰，天子至自西都。是时，晋王李克用、岐王李茂贞、楚王赵匡凝、蜀王王建、吴王杨行密闻梁迁天子洛阳，皆欲举兵讨梁，王大惧。六月，杨崇本复附于岐。王乃以兵如河中，声言攻崇本，遣朱友恭、氏叔琮、蒋玄晖等行弑，昭宗崩。十月，王朝于京师，杀朱友恭、氏叔琮。十一月，攻淮南，取其光州，攻寿州，不克而旋。二年二月，遣蒋玄晖杀德王裕等九王于九曲池。六月，杀司空裴贲等百余人。七月，天子使来，赐王“迎銮纪功碑”。

王欲代唐，使人谕诸镇，襄州赵匡凝以为不可。遣杨师厚攻之，取其唐、邓、复、郢、随、均、房七州。王如襄州，军于汉北。九月，师厚破襄州，匡凝奔于淮南。师厚取荆南，荆南留后赵匡明奔于蜀。遂出光州，以攻寿州，不克。天子卜祀天于南郊，王怒，以为蒋玄晖等欲祈天以延唐。天子惧，改卜郊。十一月辛巳，天子封王为魏王、相国，总百揆。以宣武、宣义、天平、护国、天雄、武顺、佑国、河阳、义武、昭义、武宁、保义、忠义、武昭、武定、秦宁、平卢、匡国、镇国、荆南、忠武二十一军为魏国，备九锡。王怒，不受。十二月，天子以王为天下兵马元帅。王益怒，遣人告枢密使蒋玄晖与何太后私通，杀玄晖而焚之，遂弑太后于积善宫。又杀宰相柳璨，太常卿张延范车裂以徇。天子诏以太后故停郊。

三年春，魏州罗绍威谋杀其牙军，来假兵以虞变，王为发兵北攻刘仁恭之沧州，兵过魏而绍威已杀牙军，其兵之在外者皆叛，据贝、卫、澶、博州，王以兵悉杀之。遂攻沧州，军于长芦。刘仁恭求救于晋。晋人取瀛州，王乃旋军。

新五代史卷二

梁本纪第二

开平元年春正月壬寅，天子使御史大夫薛贻矩来劳军。宰相张文蔚率百官来劝进。

夏四月壬戌，更名昶。甲子，皇帝即位。戊辰，大赦，改元，国号梁。封唐主为济阴王。升汴州为开封府，建为东都，以唐东都为西都。废京兆府为雍州。赐东都酺一日。契丹阿保机使袍笏梅老来。

五月丁丑朔，以唐相张文蔚杨涉为门下侍郎、御史大夫薛贻矩为中书侍郎；同中书门

下平章事。戊寅，渤海、契丹遣使者来。乙酉，兄全昱为广王，子友文博王，友珪郢王，友璋福王，友贞均王，友徽建王，侄友谅衡王，友能惠王，友海邵王。甲午，改枢密院为崇政院，太府卿敬翔为使。是月，潞州行营都指挥使李思安及晋人战，败绩。

六月甲寅，平卢军节度使韩建守司徒，同中书门下平章事。

秋七月己亥，追尊祖考为皇帝，妣为皇后：皇高祖懿谥曰宣元，庙号肃祖，祖妣范氏谥曰宣僖，曾祖茂琳谥曰光献，庙号敬祖，祖妣杨氏谥曰光孝；祖信谥曰昭武，庙号宪祖，祖妣刘氏谥曰昭懿，考诚谥曰文穆，庙号烈祖，妣王氏谥曰文惠。

八月丁卯，同州螟蝗虫生。隰州黄河清。

九月，括马。

冬十月己未，讲武于繁台。

十一月壬寅，赦亡命背军、髡鬻刑徒。

二年春正月丁酉，渤海遣使者来。己亥，卜郊于西都。献济阴王。

二月辛未，契丹阿保机遣使者来。

三月壬申朔，如西都。丙子，如怀州。丁丑，如泽州。戊寅，封鸿胪卿李崧莱国公，为二王后。壬午，匡国军节度使刘知俊为潞州行营招讨使。癸巳，改卜郊。张文蔚薨。

夏四月癸卯，杨涉罢。吏部侍郎于兢为中书侍郎，翰林学士承旨礼部侍郎张策为刑部侍郎，同中书门下平章事。壬子，至泽州。

五月己丑，潞州行营都虞候康怀英及晋人战于夹城，败绩。戊戌，立唐三庙。契丹遣使者来。

六月壬寅，忠武军节度使刘知俊为西路行营招讨使，以伐岐。己酉，杀石金吾卫上将军王师范，灭其族。丙辰，刘知俊及岐人战于漠谷，败之。

秋九月丁丑，如陕州，博王友文留守东都。

冬十月丁未，至自陕州。

十一月癸巳，张策罢，左仆射杨涉同中书门下平章事。

十二月己亥，以介国公为三恪，鄴国公、莱国公为二王后。

三年春正月甲戌，如西都。复然灯以祈福。庚寅，享于太庙。辛卯，有事于南郊，大赦。丙申，群臣上尊号曰睿文圣武广孝皇帝。

二月壬戌，讲武于西杏园。甲子，延州高万兴叛于岐来降。

三月辛未，渤海国王大谨撰遣使者来。甲戌，如河中。山南东道节度使杨师厚为潞州四面行营招讨使。刘知俊取丹州。

夏四月丙午，知俊克延、鄜、坊三州。

五月己卯，至自河中，杀佑国军节度使王重师。

六月庚戌，刘知俊挾佑国军节度使刘捍，叛附于岐。辛亥，如陕州。乙卯，冀王朱友谦为同州东面行营招讨使。刘知俊奔于岐。丹州军乱，逐其刺史宋知海。

秋七月，商州军乱，逐其刺史李稠，稠奔于岐。乙丑，克丹州，挾其首恶王行思。乙亥，至自陕州。甲申，襄州军乱，杀其留后王班。房州刺史杨虔叛附于蜀。

八月辛亥，降死罪囚。辛酉，均州刺史张敬方克房州，执杨虔。

闰月癸酉，契丹遣使者来。己卯，阅稼于西苑。

九月壬寅，行营招讨使左卫上将军陈晖克襄州，执其首逆李洪。丁未，保义军节度使王横为潞州东面行营招讨使。辛亥，韩建、杨涉罢。太常卿赵光逢为中书侍郎、翰林学士承旨工部侍郎杜晓为户部侍郎，同中书门下平章事。辛酉，李洪、杨虔伏诛。

冬十一月甲午，日南至，告谢于南郊。己酉，搜访贤良。俄国军节度使康怀英伐岐。

十二月，怀英克宁、庆、衍三州。及刘知俊战于升平，败绩。

四年春正月壬辰朔，始用乐。丁未，讲武于榆林。

二月己丑，阅稼于谷水。

秋八月丙寅，如陕州。河南尹张宗奭留守西都。辛未，护国军节度使杨师厚为西路行营招讨使以伐岐。

九月己丑，至自陕州。辛亥，搜访贤良。

冬十一月己丑，宁国军节度使王景仁为北面行营招讨使以伐赵。赵王王镒、北平王王处直叛附于晋，晋人救赵。

十二月癸酉，颁律令格式。

乾化元年春正月丁亥，王景仁及晋人战于柏乡，败绩。庚寅，赦流罪以下囚，求危言正谏。癸巳，天雄军节度使杨师厚为北面行营招讨使。

夏四月壬申，契丹阿保机遣使者来。

五月甲申朔，大赦，改元。癸巳，幸张宗奭第。

秋八月戊辰，阅稼于榆林。渤海遣使者来。戊寅，大阅于兴安鞠场。

九月辛巳朔，御文明殿，入阁。庚子，如魏州。张宗奭留守西都。

冬十月丙子，大阅于魏东郊。

十一月，高万兴取监州。壬辰，至自魏州。乙未，回鹘、吐蕃遣使者来。

二年春二月丁巳，光禄卿卢琬使于蜀。甲子，如魏州，张宗奭留守西都。次白马，杀左散骑常侍孙鹭，右谏议大夫张衍、兵部郎中张俊。戊寅，如贝州。

三月丙戌，屠枣强。丁未，复如魏州。

夏四月己巳，至自魏州。戊寅，如西都。

五月丁亥，德音降死罪已下囚。罢役徒，禁屠及捕生。渤海遣使者来。是月，薛贻矩薨。

六月，疾革，郢王友珪反。戊寅，皇帝崩。

呜呼，天下之恶梁久矣！自后唐以来，皆以为伪也。至于论次五代，独不伪梁，而议者或讥于大失《春秋》之旨，以谓：“梁负大恶，当加诛绝，而反之，是奖篡也，非《春秋》之志也。”予应之曰：“是《春秋》之志尔。鲁桓公弑隐公而自立者，宣公弑子赤而自立者，郑厉公逐世子忽而自立者，卫公孙剽逐其君衍而自立者，圣人于《春秋》，皆不绝其为君。此子所以不伪梁者，用《春秋》之法也。”“然则《春秋》亦奖篡乎？”曰：“惟不绝四者之为君，于此见《春秋》之意也。圣人于《春秋》，用意深，故能劝戒切，为言信，然后善恶明。夫欲著其罪于后世，在乎不没其实。其实尝为君矣，书其为君。其实篡也，书其篡。各传其实，而使后世信

之，则四君之罪，不可得而掩尔。使为君者不得掩其恶，然后人知恶名不可逃，则为恶者庶乎其息矣。是谓用意深而劝戒切，为言信而善恶明也。桀、纣不待贬其王，而万世所共恶者也。《春秋》于大恶之君不诛绝之者，不害其褒善贬恶之旨也。惟不没其实以著其罪，而信乎后世，与其为君而不得掩其恶，以息人之为恶。能知《春秋》之此意，然后知于不伪梁之旨也。”

新五代史卷三

梁本纪第三

末帝，太祖第三子友贞也。为人美容貌，沈厚寡言，雅好儒士。太祖即位，封均王，为左天兴军使、东京马步军都指挥使。

乾化二年六月，太祖遇弑，友珪自立，杀博王友文，以弑帝之罪归之。以王为东京留守、开封尹，敬翔为中书侍郎、同中书门下平章事，户部尚为李振为崇政院使。

明年，友珪改元曰凤历。二月，驸马都尉赵岩至东都，王私与之谋，遣马慎交之魏州，见杨师厚计事。师厚遣小校王舜贤至洛阳，告左龙虎统军袁象先使讨贼。是时怀州龙骧屯兵叛，方捕索之，王乃伪为友珪诏书，发左右龙骧在东都者皆还洛阳，因激怒之曰：“天子以怀州屯兵叛，追汝等欲尽坑之。”诸将皆泣，莫知所为。王曰：“先皇帝经营王业三十余年，今日尚为友珪所杀，汝等安所逃死乎！”因出太祖画像示诸将而泣曰：“汝能趋洛阳擒逆贼，则转祸为福矣。”军士皆呼万岁，请王为主，王乃遣人趣象先等。庚寅，象先等以禁兵讨贼，友珪死，杜晓见杀。象先遣赵岩持传国宝至东都，请王入洛阳，王报曰：“夷门，太祖所以兴王业也，北拒并汾，东至淮海，国家藩镇，多在东方，命将出师，利于便近。”

是月，皇帝即位东都，复称乾化三年，复博王友文官爵。

三月丁未，更名殷。

夏五月，杨师厚取沧州。

秋九月甲辰，御史大夫姚洎为中书侍郎、同中书门下平章事。

冬十二月，晋人取幽州。

四年夏四月丁丑，贬于兢为莱州司马。武宁军节度使蒋殷反，天平军节度使牛存节讨之。

贞明元年春正月，存节克徐州。

三月丁卯，赵光逢罢。平卢军节度使贺德伦为天雄军节度使，分其相、澶、卫州为昭德军，宣徽使张筠为节度使。己丑，天雄军乱，贺德伦叛附于晋。邠州李保衡叛于岐，来附。

夏六月庚寅朔，晋王李存勖入于魏州，遂取德州。

冬十月辛亥，康王友孜反，伏诛。

十一月乙丑，改元。耀州温昭图叛于岐，来附。

是岁，更名珣。

二年春二月丙申，杨涉罢。

三月，镇南军节度使刘鄩及晋人战于故元城，败绩，奔于滑州。晋人取卫州、惠州。捉生都将李霸反，伏诛。

夏六月，捉生都将张温叛降于晋。

秋七月，晋人取相州，张筠奔于京师，安国军节度使闻宝叛附于晋。

八月丁酉，太子太保致仕赵光逢为司空兼门下侍郎、同中书门下平章事。

九月，晋人取沧州，横海军节度使戴思远奔于京师。晋人克贝州，守将张源德死之。

冬十月丁酉，中书侍郎郑珣同中书门下平章事。

三年夏四月辛卯，右千牛卫大将军刘瓛使于契丹。

冬十二月，宣义军节度使贺环为北面行营招讨使。己巳，如西都卜郊。晋人取杨刘。

四年正月，不克郊，己卯，至自西都。

夏四月己酉，尚书吏部侍郎萧顷为中书侍郎、同中书门下平章事。己巳，赵光逢罢。

冬十二月庚子朔，贺环杀其将谢彦章、孟审澄、侯温裕。癸亥，环及晋人战于胡柳，败绩。

是岁，泰宁军节度使张守进叛附于晋，亳州团练使刘鄩为兖州安抚制置使以讨之。

五年春正月，晋军于德胜。

秋八月乙未朔，开封尹王瓚为北面行营招讨使。

冬十月，刘鄩克兖州，张守进伏诛。

十二月，晋人取濮阳。天平军节度使霍彦威为北面行营招讨使。

六年夏四月己亥，降死罪以下囚。乙巳，尚书左丞李琪为中书侍郎、同中书门下平章事。河中节度使朱友谦袭同州，杀其节度使程全晖，叛附于晋，泰宁军节度使刘玘讨之。

秋七月，陈州妖贼毋乙自称天子。

九月庚寅，供奉官郎公远为契丹劝好使。

冬十月，毋乙伏诛。

龙德元年春，赵将张文礼杀其君熔来乞师，不许。

三月丁亥朔，禁私度僧尼。陈州刺史惠王友能反。

夏五月丙戌朔，德音改元，降流罪以下囚。

秋，赦友能，降封房陵侯。天平军节度使戴思远为北面行营招讨使。

冬十月，思远及晋人战于戚城，败绩。

二年春正月，思远袭魏州，取成安。

秋八月，滑州兵马留后段凝攻卫州，执其刺史李存儒。戴思远克淇门、共城、新乡。

三年春三月，滑州李继霸叛于晋，来附。

夏闰四月，唐人取郓州。

五月庚申，宣义军节度使王彦章为北面行营招讨使，取德胜南城。

秋八月，段凝为北面行营招讨使。先锋将康延孝叛降于唐。

冬十月甲戌，宣义军节度使王彦章及唐人战于中都，败绩，死之。唐人取曹州。盗窃传

国宝奔于唐。戊寅，皇帝崩。梁亡。

新五代史卷四

唐本纪第四

庄宗光圣神闵孝皇帝，其先本号朱邪，盖出于西突厥，至其后世，别自号曰沙陀，而以朱邪为姓。

唐懿宗时，有朱邪尽忠者，居于北庭之金满州。贞元中，吐蕃赞普攻陷北庭，徙尽忠于甘州而役属之。其后赞普为回鹘所败，尽忠与其子执宜东走，赞普怒，追之，及于石门关，尽忠战死，执宜独走归唐，居之监州，以隶河西节度使范希朝。希朝徙镇太原，执宜从之，居之定襄神武川之新城。其部落万骑，皆骁勇善骑射，号“沙陀军”。

执宜死，其子曰赤心。懿宗咸通十年，神策大将军康承训统十八将讨庞勋于徐州，以朱邪赤心为太原行营招讨沙陀三部落军使。以从破勋功，拜单于大都护、振武军节度使，赐姓名曰李国昌，以之属籍。沙陀素强，而国昌恃功益横恣，懿宗患之。十三年，徙国昌云州刺史、大同军防御使，国昌称疾拒命。

国昌于克用，尤善骑射，能仰中双兔，为云州守捉使。国昌已拒命，克用乃杀大同军防御使段文楚，据云州，自称留后。唐以太仆卿卢简方为振武节度使，会幽、并兵讨之。简方行至岚州，军溃，由是沙陀侵掠代北为边患矣。

明年，僖宗即位，以谓前太原节度使李业遇沙陀有恩，而业已死，乃以其子钩为灵武节度使、宣慰沙陀六州三部落使，以招徕之。拜克用大同军防御使。

居久之，国昌出击党项，吐浑赫连铎袭破振武。克用闻之，自云州往迎国昌，而云州人亦闭关拒之。国昌父子无所归，因掠蔚、朔间，得兵三千，国昌入保蔚州，克用还据新城。僖宗乃拜铎大同军使，以李钩为代北招讨使，以讨沙陀。

乾符五年，沙陀破遮虏军，又破崑崙军，而唐兵数败，沙陀由此益炽，北据蔚、朔，南侵欣、代、岚、石，至于太谷焉。

广明元年，招讨使李琢会幽州李可举、云州赫连铎击沙陀，克用与可举相拒雄武军。其叔父友金以蔚、朔州降于琢，克用闻之，遽还。可举追至药儿岭，大败之，琢军夹击，又败之于蔚州，沙陀大溃，克用父于亡入达靼。

克用少骁勇，军中号曰“李鸦儿”，其一目眇，及其贵也，又号“独眼龙”，其威名盖于代北。其在达靼，久之，郁郁不得志，又常惧其图己，因时时从其群豪射猎，或挂针于木，或立马鞭，百步射之辄中，群豪皆服以神。

黄巢已陷京师，中和元年，代北起军使陈景思发沙陀先所降者，与吐浑、安庆等万人赴京师，行至绛州，沙陀军乱，大掠而还。景思念沙陀非克用不可将，乃以诏书召克用于达靼，承制以为代州刺史、雁门以北行营节度使。率蕃汉万人出石岭关，过太原，求发军钱。节度使郑从说与之钱千缗、米千石，克用怒，纵兵大掠而还。

二年十一月，景思、克用复以步骑万七千赴京师。三年正月，出于河中，进屯乾坑。巢克用惊曰：“鸦儿军至矣！”二月，败巢将黄郛于石堤谷；三月，又败赵璋、尚让于良田坡，横尸三十里。是时，诸镇兵皆会长安，大战渭桥，贼败走入城，克用乘胜追之，自光泰门先入，战望春宫升阳殿，巢败，南走出蓝田关，京师平，克用功第一。天子拜克用检校司空、同中书门下平章事、河东节度使，以国昌为雁门以北行营节度使。十月，国昌卒。

十一月，遣其弟克修攻昭义孟方立，取其泽、潞二州。方立走山东，以邢、洛、磁三州自别为昭义军。黄巢南走至蔡州，降秦宗权，遂攻陈州。四年，克用以兵五万救陈州，出天井关，假道河阳，诸葛爽不许，乃自河中渡河。四月，败尚让于太康，又败黄郛于西华。巢且走且战，至中牟，临河未渡，而克用追及之，贼众惊溃。比至封丘，又败之，巢脱身走，克用追之，一日夜驰二百里，至于冤胸，不及而还。

过汴州，休军封禅寺，朱全忠遣克用于上源驿，夜，酒罢，克用醉卧，伏兵发，火起，侍者郭景铎灭烛，匿克用床下，以水醒面而告以难。会天大雨灭火，克用得从者薛铁山、贺回鹘等，随电光，随尉氏门出还军中。七月，至于太原，讼其事于京师，请加兵于汴，遣弟克修将兵万人屯于河中以待。僖宗和解之，用破巢功，封克用陇西郡王。

光启元年，河中王重荣与宦者田令孜有隙，徙重荣兖州，以定州王处存为河中节度使，诏克用以兵护处存之镇。重荣使人给克用曰：“天子诏重荣，俟克用至，与处存共诛之。”因伪为诏书示克用曰：“此朱全忠之谋也。”克用信之，八上表请讨全忠，僖宗不许，克用大怒。

重荣既不肯徙，僖宗遣邠州朱玫、凤翔李昌符讨之。克用反以兵助重荣，败玫于沙苑，遂犯京师，纵火大掠。天子出居于兴元，克用退屯河中。朱玫亦反以兵追天子，不及，得襄王煊，迫之称帝，屯于凤翔。僖宗念独克用可以破玫而不能使也，当破黄巢长安时，天下兵马都监杨复恭与克用善，乃遣谏议大夫刘崇望以诏书召克用，且道复恭意，使进兵讨玫等。克用阳诺而不行。

明年，孟方立死，弟迁立，大顺元年，克用击败孟迁，取邢、洛、磁三州，乃遣安金俊攻赫连铎于云州。幽州李匡威救铎，战于蔚州，金俊大败。于是匡威、铎及朱全忠皆请因其败伐之。昭宗以克用破黄巢功高，不可伐，下其事台、省四品官议，议者多言不可。宰相张浚独以谓沙陀前逼僖宗幸兴元，罪当诛，可伐。军容使杨复恭，克用所善也，亦极谏以为不可，昭宗然之，诏谕全忠等。全忠阴赂浚，使持其议益坚，昭宗不得已，以浚为太原四面行营兵马都统，韩建为副使。

是时，潞州将冯霸叛降于梁，梁遣葛从周入潞州，唐以京兆尹孙揆为昭义军节度使，克用遣李存孝执揆于长于，又遣康君立取潞州。十一月，浚及克用战于阴地，浚军三战三败，浚、建遁归。克用兵大掠晋、绛，至于河中，赤地千里。克用上表自诉，其辞慢侮，天子为之引咎，优诏答之。

二年二月，复拜克用河东节度使、陇西郡王，加检校太师兼中书令。四月，攻赫连铎于云州，围之百余日，铎走吐浑。八月，大搜于太原，出晋、绛，掠怀、孟，至于邢州，遂攻王镒于镇州。克用橐常山西，以十余骑渡潞花观敌，遇大雨，平地水深数尺。镇入袭之，克用匿林间，缚其马曰：“吾世有太原者马不嘶。”马偶不嘶以免。前军李存孝取临城，进攻元氏。李

匡威救焙，克用还军邢州。景福元年，王焙攻邢州，李存信、李嗣勋等败焙于尧山。二月，会王处存攻焙，战于新市，为焙所败。八月，李匡威攻云州，以率克用之兵，克用潜入于云州，返出击匡威，匡威败走。十月，李存孝以邢州叛。二年，存孝求援于王焙，克用出兵并陲击焙，且以书招焙，而急攻其平山，焙惧，遂与克用通和，献帛五十万匹，出兵助攻邢州。乾宁元年三月，执存孝，杀之。冬，攻幽州，李匡侑弃城走，追至景城，见杀，以刘仁恭为留后。

二年，河中王重盈卒，其诸子珂、珙争立，克用请立珂，凤翔李茂贞、邠宁王行瑜、华州韩建请立珙。昭宗初两难之，乃以宰相崔胤为河中节度使，既而许克用立珂。茂贞等怒，三镇兵犯京师，闻克用亦起兵，乃皆罢去。六月，克用攻绛州，斩刺史王瑒。瑒，珙弟，助珙以争者。七月，至于河中，同州王行约奔于京师，阳言曰：“沙陀十万至矣！”谋奉天子幸邠州，茂贞假子闾珪亦谋劫幸凤翔，京师大乱，昭宗出居于石门。

克用军留月余不进，昭宗遣延王戒丕、丹王允元兄率克用，且告急。八月，克用进军渭桥，以为邠宁四面行营都统。昭宗还京师。十一月，克用击败邠州，王行瑜走至庆州，见杀。克用还军云阳，请击茂贞，昭宗慰劳克用，使与茂贞解仇以纾难，拜克用“忠正平难功臣”，封晋王。是时，晋军渭北，遇雨六十日，或劝克用入朝，克用未决，都押衙盖寓曰：“天子还自石门，寝未安席，若晋兵渡渭，人情岂复能安？勤王面已，何必朝哉？”克用笑曰：“盖寓犹不信我，况天下乎！”乃收军而还。

三年正月，昭宗复以张浚为相，克用曰：“此朱全忠之谋也。”乃上表曰：“若陛下朝以浚为相，则臣将誓至阙廷！”京师大恐，浚命遽止。朱全忠之攻克郛也，克用遣李存信假道魏州以救朱宣等，存信屯于莘县，军士侵掠魏境，罗弘信伏兵攻之，存信败走洛州。克用自将击魏，战于洹水，亡其子落落。六月，破魏成安、洹水、临漳等十余邑。十月，又败魏人于白龙潭，进攻观音门，全忠救至，乃解。

四年，刘仁恭叛晋，克用以兵五万击仁恭，战于安塞，克用大败。

光化元年，朱全忠遣葛从周攻下邢、洛、磁三州。克用遣周德威出青山口，遇从周于张公桥，德威大败。冬，潞州守将薛志勤卒，李罕之据潞州，叛附于朱全忠。

二年，全忠遣叔琮攻破承天军，又破辽州，至于榆次，周德威败之于洞舘。秋，李嗣昭复取泽。三年，嗣昭败汴军于沙河，复取洛州，朱全忠自将围之，嗣昭走，至青山口，遇汴伏兵，嗣昭大败。秋，嗣昭取怀州。是岁，汴人攻镇、定，镇、定皆绝晋以附于朱全忠。

天复元年，全忠封梁王。梁王攻下晋、绛、河中，执王珂以归。晋失三与国，乃下意为书幣聘梁以求和。梁王以为晋弱可取，乃曰：“晋虽请盟，而书辞慢。”因大举击晋。四月，氏叔琮入天井，张文徽入新口，葛从周入土门，王处直入飞狐，候言入阴地。叔琮取泽、潞，其别将白奉国破承天军，辽州守将张鄂、汾州守将李瑋皆迎梁军降，晋人大惧。会天大雨霖，梁兵多疾，皆解去。五月，晋复取汾州，诛李瑋。六月，周德威、李嗣昭取慈、隰。二年，进攻晋、绛，大败于蒲县，梁军乘胜破汾、慈、隰三州，遂围太原。克用大惧，谋出奔云州，又欲奔匈奴，未决，梁军大疫，解去，周德威复取汾、慈、隰三州。

四年，梁迁唐都于洛阳，改元曰天祐。克用以谓劫天子以迁都者梁也，天祐非唐号，不可称，乃仍称天复。

五年，会契丹阿保机于云中，约为兄弟。

六年，梁攻燕沧州，燕王刘仁恭来乞师。克用恨仁恭反覆，欲不许，其子存勖谏曰：“此吾复振之时也。今天下之势，归梁者十七八，强如赵、魏、中山，莫不听命。是自河以北，无不为梁患者，其所恃者惟我与仁恭耳，若燕、晋合势，非梁之福也。夫为天下者不顾小怨，且彼常困我而我急其难，可因以德而怀之，是谓一举而两得，此不可失之机也。”克用以以为然，乃为燕出兵攻破潞州，梁围乃解去，以李嗣昭为潞州留后。

七年，梁兵十万攻潞州，围以夹城。遣周德威救潞州，军于乱柳。冬，克用疾。是岁，梁灭唐，克用复称天祐四年。

五年正月辛卯，克用卒，年五十三。子存勖立，葬克用子雁门。

呜呼，世久而失其传者多矣，岂独史官之缪哉！李氏之先，盖出于西突厥，本号朱邪，至其后世，别自号曰沙陀，而以朱邪为姓，拔野古为始祖。其自序云：沙陀者，北庭之碛也，当唐太宗时，破西突厥诸部，分同罗、仆骨之人于此碛，置沙陀府，而以其始祖拔野古为都督，其传子孙，数世皆为沙陀都督，故其后世因自号沙陀。

然于考子传记，其说皆非也。夷狄无姓氏，朱邪，部族之号耳，拔野古与朱邪同时人，非其始祖，而唐太宗时，未尝有沙陀府也。

唐太宗破西突厥，分其诸部，置十三州，以同罗为龟林都督府，仆骨为金微都督府，拔野古为幽陵都督府，未尝有沙陀府也。当时，西突厥有铁勒、延陀、阿史那之类为最大；其别部有同罗、仆骨、拔野古等以十数，盖其小者也；又有处月、处密诸部，又其小者也。朱邪者，处月别部之号耳。太宗二十二年，已降拔野古，其明年，阿史那贺鲁叛。至高宗永徽二年，处月朱邪孤注从贺鲁战于牢山，为契苾何力所败，遂没不见，后百五十六年，宪宗时，有朱邪忠忠及子执宜见于中国，而自号沙陀，以朱邪为姓矣。

盖沙陀者，大碛也，在金沙山之阳，蒲类海之东，自处月以来居此碛，号沙陀突厥，而夷狄无文字传记，朱邪又微不足录，故其后世自失其传。至尽忠孙始赐姓李氏，李氏后大，而夷狄之人遂以沙陀为贵种云。

新五代史卷五

唐本纪第五

存勖，克用长子也。初，克用破孟方立于邢州，还军上党，置酒三垂岗，伶人奏《百年歌》，至于衰老之际，声甚悲，坐上皆凄怆。时存勖在侧，方五岁，克用慨然将须，指而笑曰：“吾行老矣，此奇儿也，后二十年，其能代我战于此乎！”存勖年十一，从克用破王行瑜，遣献捷于京师，昭宗异其状貌，赐以鸿鹄觥、翡翠盘，而抚其背曰：“儿有奇表，后当富贵，无忘于家。”及长，善骑射，胆勇过人，稍习《春秋》，通大义，尤喜音声歌舞俳优之戏。

天祐五年正月，即王位于太原。叔父克宁杀都虞候李存质，幸臣史敬瑭告克宁谋叛。二月，执而戮之，且以先王之丧，叔父之难告周德威，德威自乱柳还军太原。梁夹城兵闻晋有

大丧，德威军且去，因颇懈。王谓诸将曰：“梁人幸我大丧，谓我少而新立，无能为也，宜乘其怠击之。”乃出兵趋上党，行至三垂岗，叹曰：“此先王置酒处也！”会天大雾昼暝，兵行雾中，攻其夹城，破之，梁军大败，凯旋告庙。九月，蜀王建、岐王李茂贞及杨崇本攻梁大安，晋亦遣周德威攻其晋州，败梁军于神山。

六年，刘知俊叛梁，来乞师，王自将至阴地关，遣周德威攻晋州，败梁军于蒙坑。七年冬，梁遣王景仁攻赵，赵王王熔来乞师，诸将皆疑熔诈，未可出兵，王不听，乃救赵。八年正月，败梁军于柏乡，斩首二万级，获其将校三百人，马三千匹。进攻邢州，不下，留兵围之，去，攻魏。别遣周德威徇梁夏津、高唐，攻博州，破东武、朝城，遂击黎阳、临河、淇门，掠新乡、共城。

燕王刘守光闻晋攻梁深入，乃大治兵，声言助晋，王患之，乃旋师。七月，会赵王王熔于承天军。刘守光称帝于燕。九年正月，遣周德威会镇、定以攻燕，守光求救于梁，梁军攻赵，屠枣强，李存审击走之。八月，朱友谦以河中叛于梁来降，梁遣康怀英讨友谦，友谦复臣于梁，而亦阴附于晋。十年十月，刘守光请降，王如幽州，守光背约不降，攻破之。十一年，杀燕王刘守光于太原，用其父仁恭于雁门。于是赵王王熔、北平王王处直奉册推王为尚书令，始建行台。七月，攻梁邢州，战于张公桥，晋军大败。

十二年，魏州军乱，贺德伦以魏、博二州叛于梁来附，王入魏州，行至永济，诛其乱首张彦，以其兵五百自卫，号帐前银枪军。六月，王兼领魏博节度使。取德州。七月，取檀州。刘郛军于涿水，王率百骑视其营，遇郛伏兵围之数重，决围而出，亡七八骑。八月，梁复取檀州，晋军与郛对垒于莘，晋军数挑战，郛闭壁不出。十三年正月，王留李存审于莘，声言西归。郛闻晋王且去，即引兵击魏，攻城东。王行至贝州，返击郛，大败之，追至于故元城，又败之，郛走黎阳。三月，攻梁卫州，降其刺史米昭，克磁州，杀其刺史靳昭。四月，克洛州。八月，围邢州，降其节度使閻宝。梁张筠奔相州，戴思远奔沧州而逃，遂取二州，而贝州人杀梁守将张源德，以城降。

契丹寇蔚州，执振武节度使李嗣本。十四年，契丹寇新州，遂寇幽州，李嗣源击走之。

冬，梁谢彦章军于杨刘。十二月，攻杨刘，王自负当以堙塹，遂破之。十五年正月，梁、晋相距于杨刘，彦章决河水以隔晋军。六月，渡水击彦章，破其四寨。八月，大阅于魏，合卢龙、横海、昭义、安国及镇、定之兵十万、马万匹，军于麻家渡。谢彦章军于行台。十二月，进军临漳，梁军追之，战于胡柳，晋军大败，周德威死之。梁军暮休于土山，晋军复击，大败之，遂军德胜，为夹寨。十六年正月，王兼领卢龙军节度使。梁王珣攻德胜南城，不克。十月，广德胜北城。十二月，败梁军于河南。十七年，朱友谦袭同州，梁遣刘郛击友谦，李存审败梁军于同州。

十八年正月，魏州僧传真献唐受命宝一。赵将张文礼弑其君熔，文礼来请命。二月，以文礼为镇州兵马留后。三月，河中节度使朱友谦、昭义军节度使李嗣昭、横海军节度使李存审、义武军节度使王处直、安国军节度使李嗣源、镇州兵马留后张文礼、领天平军节度使閻宝、大同军节度使李存璋、振武军节度使李存进、匡国军节度使朱令德，请王即皇帝位，王三辞，友谦等三请，王曰：“予当思之。”